

欽定平苗紀畧

卷三
十七



欽定平苗紀畧卷三十七

嘉慶二年正月初四日

乙巳

明亮額勒登保德楞



泰鄂輝奏言此次逆苗不法石柳鄧與石三保
首先糾結實爲兇惡渠魁現在石柳鄧家口人
等已經全數被擒而石三保餘孽前據該犯供
稱竄匿龍牙半冲地方正當趨此兵威搜查淨
盡方足以肅清苗境臣等當經傳集前此擒拏

金定平苗系畧 卷三
吳廷義之出力降苗令將石三保家屬查明縛送並曉諭各該苗以爾等兩年以來妄作不靖悉爲各寨癩苗煽惑所致現在各首逆已經次第殲擒爾等幸蒙

聖主格外恩施准予投順正應知感知畏從此悔過自新如有餘剩癩苗務各併力擒獻勿致再遺後患該苗等一經開導咸能悔悟據稱情願公

同出力將首逆家屬並勦散癩苗賊目人等查拏獻出以圖自贖經臣等勒限飭辦去後隨據平隴吳廷梁莽車吳老貴勞神寨吳學貴協同龍牙寨吳老上半冲寨石八總等將石三保之妻吳老妹長子石滿宜次子石老有幼女五妹一併縛送到營其石三保幼子石老五因竄匿金龍冲地方復經吳隴登帶領降苗將該犯擒

住隨後趕送前來臣等卽提齊各犯親加研鞫
據石滿宜等所供情節均與石三保原詞一一
符合審明之後當將逆犯石滿宜石老有正法
梟示以彰

國憲所有苗婦吳老妹及年未及歲之石老五石
五妹二名口仍委員押解辰州暫行監禁與石
柳鄧家屬一併照例辦理連日以來臣等復分

派將領督率各降苗陸續查獲苗匪隴得保石
老三吳老養吳老那石老季石九生石老黑石
把望石把庄隴貴隴把總石添才石喬生隴拐
雲隴把那隴把七隴老姚石把二楊老溪等十
九名均係各路勦散癩苗賊目隨同各首逆糾
夥打仗情罪俱極重大一經嚴訊明確卽將該
犯等處以極刑用示懲儆其吳廷英吳廷玉是

金匱要略卷三十三
三
否已經勦斃或尚在他處潛匿及吳八月家屬
人等現在何處臣等仍駕馭降苗確查下落務
期按名就獲不使稍有踈縱致逃法網

明亮額勒登保德楞泰鄂輝姜晟又奏言現在
石柳鄧吳廷義等次第殲擒各首逆家屬亦經
陸續就獲不但平隴附近苗寨震懾軍威傾心
歸順卽如永綏鎮筓等處未降未勦苗寨亦已

勢同瓦解臣等公同商酌自應乘此勝勢趕緊
將大路設法疏通如尚有梗阻餘匪再行勦辦
數處庶更足以昭懲創隨於十九二十等日一
面駕馭平隴一帶苗寨搜挈首逆家屬一面諭
以撤退大兵俾令各安生業該降苗等鼓舞歡
欣形於辭色臣等隨察看形勢暫將強虎哨捧
風坳等處營卡照常安設分撥鎮將彈壓巡防

欽定平定回疆方略卷三十一
四
以爲乾城捍衛其餘各營卡先行抽撤官兵六千餘名另供調遣查三廳地方遼闊苗寨衆多自進兵以來除歷次攻勦各寨不計外所有陸續投順各苗其鎮筵四營所屬共計九百二十餘寨約四萬二千九百餘戶永綏協所屬共計一千一百餘寨約四萬六千四百餘戶保靖永順所屬共計四百七十八寨約一萬零七百餘

戶此項降苗有本來未敢從逆者亦有迫脅附和者亦有先經投順而心存觀望者茲自平隴石隆旣克首逆先後殲擒衆心實深震懼可致再生反側其未降各寨內現惟鎮筵前營所屬香爐山一帶及永綏以至隆團中間之張坪馬一帶苗匪較多正須懾以兵威次第辦理臣等悉心商酌現在乾州附近苗匪甫經勘定如

撫馭降苗搜查餘孽在在均關緊要是以臣明
亮卽擬駐劄乾州以資控禦適臣姜晟於本月
二十日自辰前抵軍營正可將一切撫綏事宜
與明亮會同商辦臣額勒登保德楞泰鄂輝卽
將前項撤出官兵分起帶領由灣溪一路先行
疏通鎮筸大道務將未降苗寨一律肅清俾被
難民人早歸本業凡有應行安兵築堡之處隨

到隨卽酌定以便知會臣姜晟分派幹員趕緊
承辦其永綏一路提臣穆克登阿節次率營前
進已過蜡夷坪地方惟緣兵力本單恐後路不
能接應臣等因查小竹山教匪事竣該處官兵
除勒保帶赴川省外尚有六百餘名如由銅仁
直至永綏甚爲近便隨卽知會提臣珠隆阿尅
日帶領此項官兵與穆克登阿會合一處先行

欽定平定回疆方略 卷三十一
相機勦辦一俟臣額勒登保等疏通鎮筵之後
再由鎮溪所一路酌量進兵從永綏保靖邊界
直赴花園隆團沿途搜勦如此分投辦理於全
局庶爲完善均奏入

上諭軍機大臣曰明亮等拏獲首逆石三保家屬並
查拏賊目隴得保等分別辦理所奏甚是現在祇
有吳廷英吳廷玉及吳八月家屬尙無下落想亦

易於查拿所有擒獲石三保家屬之降苗吳廷梁
等著明亮等傳旨每人各賞大緞二疋卽在軍需
項下發給吳隴登前已賞給五品頂戴花翎茲又
將石三保幼子擒送著加一等賞給四品頂戴都
司銜亦於軍需項下賞給蟒緞二疋以示獎勵所
有拿獲石三保之妻及子女等一併解京此時賊
首已就殲擒所有未降各苗寨無不震懾兵威投

欽定四庫全書
卷三
款恐後可以無須攻勦計此旨到時疏通大路各
事宜辦理已竣而畢沅亦可到彼姜晟現抵乾州
明亮等卽可將後路各事交與畢沅鄂輝姜晟查
照和琳奏定章程以次妥辦綏靖苗疆明亮仍酌
帶應撤川兵迅往太平東鄉一帶督率勦辦額勒
登保德楞泰探聽湖北黃栢山及鍾祥等處之賊
何處亟須添兵協勦卽迅往該處或分赴長陽鍾

祥上緊勦辦

十二日

癸丑

明亮額勒登保德楞泰鄂輝姜晟奏

言自乾州以至鎮筸大路兩旁均係民苗錯處
舊有民村塘汛早經苗匪蹂躪焚燒及至大兵
攻克平隴殲除首逆遠近寨落聞風震懼雖俱
陸續投誠而各路無業窮苗及勦散餘匪尚仍
盤踞村莊希圖占種民田以資餬口其香爐山

一帶花苗數十寨因有癩苗數人從中煽惑並未投出當此歲功之次正須分別勦撫懾以兵威方便道路肅清民苗安業隨於二十五日臣額勒登保德楞泰鄂輝帶領官兵由灣溪一路進發歷經茶溪口桿子坪九蘇坪晒金塘三脚巖武定營得勝營老蒲壇高樓哨等處沿途拿卡而進逐節分派巴圖魯侍衛鎮將等分投搜

捕查自茶溪口起直達鎮筵東南一帶本來民村極多兩年以來均爲苗匪搭蓋草寮占踞耕種茲見官兵大至該苗匪等雖不敢併力搜鋒惟緣保護積藏糧食等件尙復到處放鎗抵禦當經督率各兵鼓勇前進鎗箭競發凡有首先抗拒之賊無不立時殲斃其餘苗匪俱各拋棄器械長跪號呼叩頭乞命男女不下五六千人

臣等察看此項散苗誅之既不可勝誅且該苗匪等原因各路勦散無歸竄聚於此若一時驅除過急又恐復滋事端當卽准令投誠剴切曉諭並令隨營新點苗弁及附近降苗徧加開導如果伊等誠心投順不敢爲匪限於三日內各將糧食器具等件聽其撤回原住寨落毋許在外滋事其中如有實在窮無可歸之人卽將苗

地內查出之漢民所占地畝給予安插各苗聞信之下無不感激歡忻扶老攜幼各歸原寨者晝夜不絕所有香爐山附近未降花苗因聞官兵已到得勝營高樓哨一帶自知力不能支卽邀約釀水沱司門前等處四十餘寨相率全投臣等亦用好言安撫並令將各寨現有癩苗按名縛送以憑懲治該苗等俱各叩頭應允情形

極爲畏服臣等辦理甫定卽由高樓哨進抵靖
疆營距鎮筸三十餘里惟時總兵富志那同知
傅鼐帶領官兵先於花溝田駐劄一經得信卽
從花溝出直抵靖疆營挈卡會合臣鄂輝復帶
領同知傅鼐連夜從高樓哨前赴小鳳凰營沿
途查勘地方均屬寧靜三十日回抵得勝營臣
等公同商酌卽將大路應設營卡適中布置以

聯聲勢所有占居民地各苗俱經如限搬移並

無潛匿

臣明亮同臣

姜晟於大兵肅清一處隨

卽分派文武將乾州附近搭棚棲止難民令其
乘間復業兩三日來已不下二千戶並派委辰
沅道成寧督率委員認真安撫其前項散苗亦
令該道責成各苗弁一併查明妥爲安插務期
各謀廬井無悞春耕再查前年黔省苗匪起事

欽定平定縣志 卷三
松桃被圍緊急時有銅仁府學廩生楊通茂附
生楊通任聚集鄉勇在城外雲羅里地方極力
堵禦牽掣賊勢隨經福康安解圍松桃卽令該
生等帶領鄉勇隨同打仗嗣臣額勒登保等由
黔至楚兩年以來該生等節次隨在前敵打仗
殺賊極爲勇往人亦明白曉事內查楊通茂前
經和琳奏請

賞戴藍翎茲當大功告蒞合無仰懇

聖恩將楊通茂卽照現給六品頂戴楊通任給予七
品頂戴以州同州判等官酌量選用以示獎勵
仍給咨該生等送部引

見恭候

欽定奏入

上諭軍機大臣曰明亮等奏官兵連日捕剿餘匪鎮

算大路一律疏通一摺所辦俱好總之攻克平隴
俘擒首逆苗衆失所倚恃無不震懾聲威投欵恐
後鎮算旣已疏通其永綏隆團一路未降苗寨自
必相率乞降無須攻勦苗疆大局已定計此時明
亮等早已辦竣畢沅亦已到彼一切安撫綏輯善
後事宜交與畢沅姜晟鄂輝照和琳奏定章程會
同妥辦以期永靖苗疆

上諭內閣曰明亮等奏楊通茂等前在松桃出力現
又隨營打仗勇往等語楊通茂卽照現給六品頂
戴楊通任給予七品頂戴以州同州判等官酌量
選用以示鼓勵

同日明亮額勒登保德楞泰鄂輝姜晟又奏言
查吳廷義就獲之後該犯右膀帶有鎗傷當經
撥醫敷治茲該犯受傷處所業已漸痊似此緊

要兇渠未便令其久延殘喘自應遵照前

旨將該犯解京處治以快人心至石老喬石老二石

老觀石老九四犯均係首逆石柳鄧之子臣等

現在派委

乾清門侍衛副都統阿哈保等酌帶文武員弁將

吳廷義及石老喬等共五犯一同管解進京其

石柳鄧首級現在傳示已徧亦卽一併函送奏

入報

聞

二十一日壬戌明亮額勒登保德楞泰鄂輝姜晟

奏言查永綏一廳四面皆苗地方遼濶較之乾

鳳兩屬寨落更多自廳城迤北以至降團數十

里內節節均有逆苗梗阻殲除本為費手其自

乾州以至永綏從前和琳所奏善後章程本擬

於軌者一路築堡安兵以資聯絡臣等查核形勢惟軌者地方尚在邊牆舊址以內將來事竣後如於該處築堡留防情形殊有不便而往來舊路亦不可任令阻滯正須通融辦理是以臣等再三籌議先經傳集該處降苗令由仙鎮營寨陽軌者黃腦泰等處沿途安設苗卡進抵高巖提臣穆克登阿亦分派降苗由高巖拿卡會

合現在軌者一路業已來往相通自毋庸駐兵苗地之內以致苗民疑懼惟自鎮溪所起由喜鵲營以至保靖實爲苗疆沿邊大路在軌者之外如於喜鵲營一帶酌量築堡安兵頗爲扼要臣等連日以來分派將弁帶領官兵先由鎮溪所起疏通五十餘里進至喜鵲營均經安設營卡臣額勒登保德楞泰卽日添帶官兵由喜鵲

營前赴保靖直抵花園隆團將所有未降未勦
餘匪懾以聲威逐加搜捕使永綏大路苗民歸
束有方而保靖所屬土苗亦可順道查察庶辦
理更爲周匝至由永綏以至隆團一路現在據
報提臣穆克登阿珠隆阿等已從蜡夷坪整兵
前進攻勦大小排吾所有抗拒逆苗殲斃甚衆
苗目麻季三麻滿東等畏懼兵威節次帶領精

木寨麻腊寨章口寨廣車寨油麻寨董馬寨龍
門寨等三十一寨苗民叩頭乞命經該提督等
一面妥爲駕馭一面拏卡進發計算隆團道路
可期尅日廓清惟念該處逆苗屯聚日久茲當
歲功之際不但疏通道路不便稍遲且其中所
有滋事爲首逆苗寨落必須再加勦辦數處方
足以永靖苗疆並查補抽弁尚等處均係永綏

著名大寨與鴨保一帶苗寨毗連自進兵以來
緣各該寨相率投誠未加兵力茲臣等復另派
巴圖魯侍衛西津泰總兵達音泰帶領官兵分
由補抽一路前進務將沿途已降各寨實力撫
馭庶各苗民知感知畏不致再行滋事凡有應
行安兵防守地方及應勦應撫事宜統俟臣額
勒登保德楞泰到彼與穆克登阿等會合後隨

時相度情形認真籌辦至臣額勒登保德楞泰
等既已分兵前進所需糧餉軍火等項臣姜晟
惟有揀派幹員分投料理以資接應並將一切
善後事件實力經籌不敢稍有遲悞其得勝營
一路營卡甫經安設定局而所屬花苗內尚有
從前滋事癩苗必須設法搜捕是以臣明亮鄂
輝酌量留駐乾州以便督飭官兵降苗將應行

查辦餘匪乘此兵威嚴行搜捕務期根株淨盡
 至各路官兵除留防之外本應次第抽撤而四
 川湖北兩省本地均有教匪滋事尤應趕緊撤
 回臣等共同商酌現將已經撤出之川兵二千
 名先派川北鎮總兵朱射斗副將長春等督率
 將備分起帶領回川用資協剿臣明亮一俟永
 綏道路疏通川兵全數撤出再行親自帶領前

赴達州亦不致有稽時日臣額勒登保德楞泰
 俟永綏事竣自當遵
 旨探聽湖北教匪情形或分赴長陽襄陽或同赴一
 處肅清一路再赴一路
 明亮額勒登保德楞泰鄂輝姜晟又奏言查官
 兵自攻克平隴石隆節次殲擒渠逆惟吳廷玉
 兄弟為平隴著名緊要逆犯未便久令稽誅必

須一併嚴查務獲以清苗境是以_臣等於疏通
鎮筵之後回駐乾州復通傳附近降苗嚴切曉
諭並酌派副將德寧帶領熟悉苗情之都司傅
朝林等及新放苗弁吳老貴吳廷梁等以安撫
苗民爲詞到處密加搜捕並令其沿途善爲撫
馭止在搜拿要犯毋許令已降各寨致啓驚疑
嗣該員等行抵半冲據吳老貴等探明吳廷玉

吳廷英兄弟均在該處巖洞內藏匿當經官兵
苗弁一併上前拿獲於初八日縛解前來_臣等
研訊後隨將吳廷玉吳廷英二犯押赴平隴起
事地方凌遲梟示以示炯戒又據戈乍交地方
降苗楊長才送到石老五一名訊係石柳鄧之
孫石老觀之次子現年十一歲_臣姜晟卽派員
押送辰州交臬司清安泰暫行監禁與前獲各

金定平古紀略 卷三
首逆緣坐家屬一併詳請解部辦理均奏入

上諭軍機大臣曰此次額勒登保德楞泰帶兵由喜
鵲營前赴保靖直抵花園隆圍將未降未勦餘匪
懾以聲威自必相率投誠道路可以一律疏通而
穆克登阿等從蜡夷坪整兵前進將大小排吾抗
拒逆苗殲斃甚衆其餘苗寨紛紛投出乞降苗疆
尅日廓清至明亮等奏擒獲逆匪吳廷玉吳廷英

等審明辦理一摺所辦亦好其送信降苗吳老貴
挈獻石柳鄧幼孫石老五之降苗楊長才均著優
加獎賞以示鼓勵

同日軍機大臣奏言本日據署將軍明亮等奏
請於喜鵲營一帶酌量築堡安兵頗爲扼要等
語_臣等查從前和琳所奏善後章程原摺內自
乾州以至永綏中間軌者爲適中之地應築堡

欽定平苗方略 卷三
駐兵原爲聯絡聲勢起見今明亮等親自帶兵
搜勦經歷該處查得舊議築堡軌者地方尚在
邊牆舊址以內如於該處築堡留防轉恐苗衆
驚疑且現在軌者一路業已往來相通毋庸駐
兵防守請改於喜鵲營一帶酌量築堡安兵自
係按照現在情形因時變通之道應如明亮等
所奏將從前原擬於軌者地方築堡安兵之處

改設於喜鵲營一帶以資聯絡而壯聲威奏入
上從之

同日馮光熊奏言查逆苗滋擾以來銅仁府屬
坡東坡西等處大半被其蹂躪嗣經原任大學
士公福康安統兵撻伐將正大嗅腦松桃以次
解圍難民陸續歸業俱經臣

奏明照例撫卹久皆安堵如常現在苗疆奠定其

金定平古紀略 卷三
有在外歸復者俱隨時安頓不致失所至修築
城堡除銅仁城垣三面臨河遇雨多溪漲間有
冲刷坍塌正大城尚完固祇須加高培厚圍築
水塘松桃城身年久被賊圍攻殘損均尙易於
修葺其嗅腦向係土堡坍塌甚多必須改建石
城以資保障先已分別勘估興修臣覆加勘定
核辦其歸併營汛應設文員添設汛堡及點放

苗弁清理苗戶酌留防兵各款查照原奏章程
有與黔省因地制宜應參酌辦理之處已督同
署臬司張繼辛等議定條款現與明亮等會商
籌辦奏入報

聞

二十六日丁卯馮光熊奏言正月十六日據藩司
賀長庚稟據署南籠府事郎岱同知曹廷奎稱

金定平古... 卷三
府屬北鄉有狃苗糾衆千餘於本月初五日夜
由普坪等處焚燒民房初六日至郡城外燒搶
請兵救援當經飛飭附近南籠之安順文武酌
撥官兵迅往勦捕等情臣查南籠爲苗疆要地
路通滇南粵西急須趕緊勦捕撲滅俾無蔓延
臣一面於附近各營酌調官兵一面知會提督
珠隆阿安籠鎮總兵張玉龍就商軍營總統於

現議撤回官兵內量爲抽撥帶領前往督勦并
飛飭糧道吳超先行馳往查察起釁緣由據實
稟覆另行奏

聞至銅仁後路業已寧靖祇須查辦善後諸事俱已
定有章程臣與署臬司張繼辛商議明白卽令
會同貴東道周緯在銅仁照料辦理查銅仁至
南籠相距二十餘站臣卽日起程前往相機勦

捕奏入

上諭軍機大臣曰據馮光熊奏南籠府狝苗滋擾馳往查辦該處狝苗糾衆焚搶自係與湖南苗匪氣類相通勾結竊發今已至南籠府城外焚搶不可不速行搜捕此時馮光熊雖已前往南籠但貴州苗疆關係緊要一切調度機宜恐馮光熊一人照料難周現在黃柏山賊匪已經官兵連奪賊卡將

可通道路嚴密圍截賊匪自無從竄逸可以卽日殲除無須勒保在彼幫辦而南籠地方現有狝苗滋擾勒保自應速回黔省伊係雲貴總督地方文武皆其所轄呼應更靈著卽輕騎減從馳赴南籠不必再帶攻剿黃柏山之兵以便行走迅速至黔省現調官兵尚恐不敷剿捕並著珠隆阿張玉龍卽將應行撤回貴州之兵速行帶領前赴南籠或

再將他省應撤之兵酌量多帶一二千名亦無不可總當星速前抵該處會同勦捕以期迅速藏事

臣等謹案貴州南籠一府僻處西南山高路

險苗人種類繁多仲苗雖素稱獷悍然已久列齊氓非楚苗頑逆可比乃竟敢糾衆滋擾肆行焚劫自因湖南兩年用兵節次徵調防守兵單若調集外營一時未能迅至夷情聲

息相通是以乘機糾約妄作不靖自取誅鋤

當黔撫奏報之始

皇上以苗疆關係綦重

諭令總督勒保卽由黃柏山馳回黔省督率勦辦勒保稟受

睿謨解圍奪隘掃穴擒渠膚功克奏何莫非先事預籌之效也



